

Prilagođen obrok u osnovnoj školi

Informacija za Vas koji ste staratelj

Zahtjev za prilagođen obrok

Sva djeca imaju pravo na dobre i hranjive obroke u školi. Važno je da je dijete pregledalo zdravstveno ili školsko osoblje.

Možete uložiti zahtjev za prilagođene obroke ako Vaše dijete ima:

- Medicinske razloge
- Posebne razloge
- Molbu za vegansku hranu

Ne trebate ulagati zahtjev za prilagođeni obrok kako bi dijete u školi dobilo vegetarijansku hranu ili hranu bez svinjetine.

Uložite zahtjev digitalno na web stranici škole

Obrazac za zahtjev možete pronaći na web stranici škole pod rubrikom "Školska hrana i jelovnik" [*Skolmat och matsedel*]. Ukoliko niste u mogućnosti da uložite zahtjev digitalno, možete predati papirni obrazac mentoru ili učitelju djeteta.

Potvrdite svake školske godine da je djetetu potreban prilagođeni obrok

S našom novom digitalnom aplikacijom, trebate unijeti zahtjev samo prvi put, a zatim ne morate ponovo unositi zahtjev sve dok Vaše dijete ne promijeni školu ili ima promijenjene potrebe. Prije svakog početka jesenjeg semestra, na e-mail ćete dobiti pitanje da li je zahtjev još važeći. Ako odgovorite potvrdno, ne morate slati novi zahtjev.

Trebate uložiti novi zahtjev ako:

- se djetetove potrebe promijene
- dijete promijeni školu

Zdravstvo ili škola ispituju potrebu

Nakon što pošaljete zahtjev, škola će Vas kontaktirati radi sastanka o potrebi djeteta za prilagođavanjem. U slučaju medicinskih razloga, potrebno je dostaviti zdravstvenu potvrdu ili izvod iz medicinskog kartona.

Za sve medicinske razloge za prilagođen obrok je potrebna pismena uputa od strane zdravstva:

- **Prilagođavanje konzistencije** - Hrana prilagođene konzistencije zbog poteškoća sa žvakanjem i gutanjem.
- **Energetsko obogaćivanje** – Hrana koja je obogaćena dodatnom energijom.
- **Niskoenergetska hrana** – Na primjer u slučaju prekomjerne težine, gojaznosti ili metaboličke bolesti.
- **Hrana prilagođena dijabetičarima**
- **Druge bolesti koje zahtijevaju prilagođavanje**

Potvrda ili izvod iz medicinskog kartona

Dijete treba biti pregledano u okviru zdravstvene zaštite u Švedskoj. Potvrdu ili izvod iz medicinskog kartona mora napisati ljekar, nutricionist-dijetetičar ili medicinska sestra na švedskom jeziku.

Škola odobrava kod posebnih razloga

U izuzetnim slučajevima, možete uložiti zahtjev za prilagođeni obrok kada dijete ne može da jede u redovnoj sali za ručavanje ili sa redovnog jelovnika. Nije poseban razlog ako neko ne voli određena jela ili namirnice. Razlog mora biti posebna potreba čije zadovoljenje je važno, gotovo neophodno, kako bi dijete moglo savladati školovanje.

Dijete uvijek može uzimati redovnu hranu, bez obzira da li je u školskoj kuhinji pripremljena druga prilagođena hrana. Cilj je, ako za to postoje uslovi, da se dijete osjeća sigurno dok jede uobičajenu hranu.

Za vegansku hranu nije potreban sastanak ili pregled

Dovoljno je da digitalno uložite zahtjev na web stranici škole da bi dijete u školi dobilo vegansku hranu. Ako se ne možete prijaviti digitalno, možete predati papirni obrazac djetetovom mentoru ili učitelju.

Obavijestite ako će dijete biti slobodno

Ako će dijete izostati iz škole i ima prilagođen obrok trebate o tome obavijestiti školsku kuhinju. Također trebate obavijestiti školsku kuhinju kada se dijete vrati.

Ako dijete ne preuzme svoje prilagođene obroke

Ako dijete ne preuzima svoje prilagođene obroke tokom 14 dana i školska kuhinja nije dobila nikakvu obavijest da je dijete odsutno, oni će biti ukinuti. Ako će djetetu ponovno trebati prilagođeni obroci morat ćete ponovno uložiti zahtjev.

Kontakt

Za više informacija o prilagođenim obrocima u osnovnoj školi obratite se školskoj kuhinji ili zamjeniku direktora u školi.